

II - ARABAKO LURRALDE HISTORIKOAREN TOKI ADMINISTRAZIOA

ARRATZUA-UBARRUNDIAKO UDALA

Behin betiko onestea musika, arte dramatiko eta dantza ikasketak egiteko dirulaguntzak emateko oinarri arautzaileen aldaketa

Hasierako onespeneren iragarkia ALHAOren 131. zenbakian, 2020ko azaroaren 18koan, eman zen argitara, eta ez da aurkeztu alegaziorik aipatutako espedientearen kontra. Hortaz, osorik argitaratzen da, indarrean jar dadin.

MUSIKA, ARTE DRAMATIKO ETA DANTZA IKASKETAK EGITEKO DIRULAGUNTZAK EMATEKO OINARRIAK

1. artikulua. Funtsak

Arratzua-Ubarrundiako Udalaren ustez, musikak, arte dramatikoak eta dantzak garrantzi handia dute pertsonen trebakuntzan, baita herri honetako kultura eremu tradizionalen ere. Hortaz, horien sustapena garatu beharreko helburu bat da. Sustapen hori burutzeko modu bat da Arratzua-Ubarrundia udalerrian erroldatuta dauden pertsonen dirulaguntzak ematea aipaturiko hiru arteetan trebatzen laguntzeko.

Kultura eta kultura jarduerak antolatzea eta sustatzea Euskadiko Toki Erakundearen apirilaren 7ko 2/2016 Legeko 17. 1. 20) artikuluan zerrendatzen diren udal eskumenen artean dago.

2. artikulua. Xedea eta helburua

Deialdiaren xedea da Arratzua-Ubarrundiako udalerrian erroldatuta dauden eta ikastegietan musika, arte dramatiko eta dantza ikasketak egiten ari diren pertsonen laguntzeko dirulaguntzak ematea arautzea, eta, era berean, sustatzea emakumeek eta gizonek modu orekatuan parte hartuko dutela jarduerak egitean.

3. artikulua. Araubide juridikoa

Deialdi honetan ematen diren dirulaguntzek, oinarri hauez gainera, ondoko arau hauetan xedatutakoari jarraituko diote:

2/2016 Legea, apirilaren 7koa, Euskadiko toki erakundeena

39/2015 Legea, urriaren 1koa, administrazio publikoen administrazio prozedura erkidea-renarena.

38/2003 Lege Orokorra, azaroaren 17koa, Dirulaguntzena.

887/2006 Errege Dekretua, uztailaren 21ekoa, Dirulaguntzen Lege Orokorren Erregelamendua onartzen duena.

Abenduaren 5eko 3/2018 Lege Organikoa, datu pertsonalak babesteko eta eskubide digitalak bermatzeko.

Arratzua-Ubarrundiako Udalaren dirulaguntzak arautzen dituen ordenantza orokorra.

Aurrekontua betearazteko oinarriak.

Dirulaguntzak norgehiagoka araubidean emango dira, deialdi ireki baten bidez, aurrekontu kreditua agortu arte. Dirulaguntzak printzipio hauen arabera emango dira:

Publikotasuna, gardentasuna, norgehiagoka, objektibitatea, berdintasuna eta bereizkeriarik eza

Ezarritako helburuak betetzeko eraginkortasuna

Efizientzia baliabide publikoak esleitzean eta erabiltzean.

Jarduera, programa, proiektu edo inguruabar berezi baterako dirulaguntza eskaera bat aurkezteak esan nahi du oinarri hauek, Arratzua-Ubarrundiako Udalaren dirulaguntzak arautzeko ordenantza orokorra eta azaroaren 17ko 38/2003 Legea, dirulaguntzen orokorra, ezagutzen eta onartzen direla, baita horrelako dirulaguntzei aplikatu beharreko arau guztiak ere, bai zuzenekoak bai subsidiarioak.

4. artikulua. Aurrekontuko zuzkidura

Arratzua-Ubarrundiako Udalak ekitaldi bakoitzean aurkeztutako eskaerei erantzuteko nahikoa den kopuru bat xedatuko du, dagokion aurrekontu partidaren kontura. Ezingo da dirulaguntzarik eman ondoriozko aurrekontu esleipenik egin gabe.

5. artikulua. Hartzaileak

Musika, arte dramatiko eta dantza ikastegietan ikasketak egiten dituztenak izango dira onuradunak.

6. artikulua. Eskatzaileen betekizunak

Eskatzaileek honako betekizun hauek bete beharko dituzte:

Arratzua-Ubarrundia udalerrian errolatuta egotea, gutxienez urtebeteko antzinasunarekin. Antzinasunak eskaerak aurkezteko epea amaitzen denean egon beharko du beteta.

Musika, arte dramatiko eta dantza ikastegietan matrikulatuta egotea deialdian ezartzen den ikasturtean.

Antzeko helburua duen dirulaguntzarik ez jasotzea beste administrazio edo erakunde batzuetatik.

Arratzua-Ubarrundiako Udalarekiko zerga betebeharren ordainketa egunean edukitzea deialdi hau behin betiko ebatzi arte. Horretarako, zuzenbide publikoko diru sarreraren ondoriozko edozein zor hartuko da kontuan, salbu eta zorrak edo zehapenak geroratuta edo zatikatuta badaude edo gauzatzea etenda badago. Eginbehar hau tutoretza daukaten pertsonen kasuan ere aplikatzen zaie, adingabeak edo legez ezgaitutako pertsonen kasuan.

7. artikulua. Diruz lagundutako ikasketak

Diruz lagundu ahal izango dira ondoren zehazten diren ikasketak:

– Musika: musika hizkuntza, instrumentua, harmonia modernoa, instrumentu taldea edo comboa eta ahots taldea.

– Arte dramatikoa: antzeppen trebakuntza eta hobekuntza, antzerki zuzendaritzako ikasketak, eszenografia, luminoteknia, soinua eta jantziak eta, azkenik, zinema zuzendaritza.

– Dantza: dantza klasikoko eta garaikideko trebakuntza eta hobekuntza eta koreografiako trebakuntza teknikoa.

8. artikulua. Eskaerak

Eskaerak I. eranskinen eredu ofizialarekin bat etorriko dira, eta idazkera larri argi eta irakurgarri bete beharko dira. Eskaerak tutoreek sinatuko dituzte eskatzaileak adingabeak edo legez ezgaitutako pertsonak izanez gero.

Aurkezteko epea: deialdian agertzen den data.

Aurkezteko modua:

Aurrez aurre udal bulegoetan, 8:00etatik 14:00ak arteko ordutegian.

Telematikoki, Udalaren egoitza elektronikoaren bidez: www.aratzua-ubarrundia.eus (gaituta baldin badago).

Eskabideari erantsi beharreko agiriak:

Ikastaroa egin den ikastetxearen egiaztagiria, non hau adierazi beharko baita: hasi den ikastaroa eta amaitutakoa, orduen guztien kopurua eta ikaslea ikastaroan benetan izan den orduen kopurua (gutxienez, orduen ehuneko 80ra joan behar du), noiz hasi den ikastaroa eta noiz amaitu den, eta ikastaroaren kostu osoa. Salbuespen moduan, eta Udalbatzak balioetsita, ehuneko 80 baino txikiagoko bertaratze ehuneko onartu ahal izango da, osasun alarmarik izanez gero.

Egindako ikasketaren kostua benetan ordaindu izanaren frogagiria.

Diru sarrera egin nahi den kontuaren erakundea eta IBANa, adieraziz zein den titularra baldin eta ez bada dirulaguntzaren onuraduna.

Eskaera aurkeztearekin, eskatzaileek hau onartzen dute:

Eskaerako datuak udal erroldarekin gurutzatzea, jakiteko ea eskatzailea eta, hala dagokionean, tutoreak Arratzua-Ubarrundiako udalerrian erroldatuta dauden.

Datuak Udalaren diru-bilketa zerbitzuekin gurutzatzea, jakiteko eskatzaileak edo, hala dagokionean, tutoretza dutenek, zerga betebeharren ordainketa egunean duten.

9. artikulua. Eskaerak aztertzea eta ebaztea

Aurkeztutako agiriak osorik ez badaude, 10 eguneko epea emango zaio eskatzaileari horiek denak osatzeko. Gainera, ohartaraziko zaio ezen, epe hori igarota aurkeztu ez baditu, eskaerari uko egin diola ulertuko dela, betiere dagokion ebazpena eman ondoren.

Dirulaguntzak Udalbatzak emango ditu, osoko bilkuran jorratu beharreko gaien informazio batzordeak proposatuta.

10. artikulua. Dirulaguntzen zenbatekoa

Ikastaroen matrikularen prezioaren ehuneko 75erainoko dirulaguntza emango da, gehienez 200 euro.

Gehienezko 200 euro horien muga ez da aplikatuko baldin eta egin beharreko adjudikazioak egin ondoren ez bada agortzen aurrekontu partida. Kasu horretan, geratzen den kopurua modu proportzionalan banatuko da baldintza guztiak betetzen dituzten eskaeren artean, eta ez da gaitutuko matrikularen prezioaren ehuneko 75.

Aitzitik, esleitutako kreditua ez bada nahikoa aurkeztu diren eskaera guztiei erantzuteko, dirulaguntzaren zenbatekoa proportzioan murriztuko da eskaera guztiei erantzun ahal izateko.

11. artikulua. Dirulaguntzak ordaintzea

Dirulaguntza epe bakarrean ordainduko da, ebazpena emandakoan eta aurrekontu ekitaldia amaitu baino lehen.

12. artikulua. Laguntzen kontrola eta justifikazioa

Azaroaren 17ko 38/2003 Legeak, dirulaguntzen orokorrak, 30. artikuluko 7. atalean xedatutakoaren arabera, eman aurreko ziurtapena, eskatzaileak edo, hala dagokionean, tutoreak deialdian ezarritako betekizunak betetzen dituela frogatzen duena, izango da musikako, arte dramatikoko eta dantzako ikasketetarako dirulaguntzak emateko beharko den justifikazio bakarra.

Laguntzen jasotzaileei aplikatu beharreko itzulketak, zehapenak eta erantzukizunak arautzen dituen araubidea azaroaren 17ko 38/2003 Legeak, dirulaguntzen orokorrak, eta Arratzua-Ubarundiako Udalaren dirulaguntzak arautzen dituen ordenantzak ezartzen dutena izango da.

13. artikulua. Arau-hausteen eta zehapenen araubidea

Arau hauste eta zehapen administratiboei dagokienez, azaroaren 17ko 38/2003 Legeak, dirulaguntzen orokorrak, 52. artikuluetan eta hurrengoetan xedatutakoari eta udalak onartutako dirulaguntzen eta laguntzen kontsezioa arautzeko ordenantzak 14. artikuluan ezarritakoari jarraituko zaie. Halaber, ordenantza horren 15. artikuluan agintzen denaren arabera zehatuko dira.

14. artikulua. Legeria osagarria

Oinarri hauetan aurreikusita ez dauden alderdietan, udalak onartutako dirulaguntzen eta laguntzen kontsezioa arautzeko ordenantzan xedatutakoari, Dirulaguntzen Lege Orokorrari eta hori garatzen duen araudiari jarraituko zaie.

Guztiak jakinaren gainean egon daitezen argitaratzen da.

Dura, 2020ko abenduaren 18a

Alkatea

M^a BLANCA ANTÉPARA URIBE



MUSIKA, ARTE DRAMATIKO EDO DANTZA IKASKETAK EGITEKO DIRU-LAGUNTZA ESKABIDEA

IZENA ETA ABIZENAK EDO SOZIJATEAREN IZENA		NAN-AIZ-IFK	
ORDEZKARIA (IZENA ETA ABIZENAK)		NAN-AIZ-IFK	
KOMUNIKAZIOA-JAKINARAZPENA EGITEKO DATUAK			
Kalea	Zk	Solairua	Herria
Posta-Kodea	Udalerrria	Lurraldea	
Posta elektronikoa	Telefono zk.	Mugikorraren zk.	

Nori egin jakinarazpena

Interesatua

Ordezkarria

Nola egin jakinarazpena

Posta

Elektronikoki

AZALTZEN DUT/ EXPONE

Arratzua-Ubarrundiako Udalak onartutako musika, arte dramatikoa eta dantza ikasketetarako laguntzen deialdiaren berri izan dudala.

.....udalerriko zentroko mailan nagoela matrikulatuta.

Eskaerak aurkezteko epea bukatzen den egunean, Herritarren Udala Erroldan gutxienez urtebeteko aintzinasunarekin izena emanda nagoela.

Ogasunarekiko eta Udalarekiko dituen zerga-betebeharrak eguneratuta dituela. Adingabeen edo tutoretzapekoen kasuan, betebeharrak hain tutoreen ardura izango da.

EZ duela beste administrazio edo erakunderen batetik, helburu bererako laguntzarik jasotzen.

ESKATZEN DU /SOLICITA

Kontuan izatea, aipatutako deialdiaren ebazpena egiterakoan, eta hala badagokio, diru-laguntza ematea.

ERANTSITAKO AGIRIAK / DOCUMENTACIÓN APORTADA

Ikasketak egin dituen zentroaren ziurtagiria, bertan jasota: hasitako eta bukatutako ikasturtea, ikasturtearen ordu-kopurua guztira, eta ikasleak aprobetxatutako ordu kopurua (asistentziaren ehuneko 80, gutxienez), ikasturtearen hasiera- eta bukaera-datak, eta ikasturtearen kostu osoa. Salbuespen modura, Osoko Bilkuran baloratu ondoren, osasun-alarma egoeraren ondorioz ehuneko 80tik beherako asistentzia-ehuneko onartu ahal izango da.

Egindako ikasketen kostua ordaindu izanaren ziurtagiriak

Diru sarrera egitea eskatzen den entitatearen izena eta kontuaren IBANa. Kontuaren titularra, dirulaguntzaren onuraduna ez bada, bertan zehaztu behar da.

DATA ETA SINADURA:

	DATUEN BABESA
Arduraduna	Arratzua-Ubarrundiako Udala
Helburua	Hainbat jarduerara sustatzeko dirulaguntzak ematea
Legitimizazioa	Datuen tratamendua lege-betebeharrak eta/edo interesdunen baimenak legitimatzen dute.
Hartzaileak	Jasotako datuak Dirulaguntzen Datu Base Nazionalari lagako zaizkio. Ez da bestelako lagapenik egongo, legeak hala agintzen ez bada.
Eskubideak	Interesdunak bere eskubideak gauzatu ahal izango ditu Arratzua-Ubarrundiako Udalarekin (Urbea kalea 12, 01520 Durana) harremanetan, arduradun gisa. Datuen kontserbazio-modua legeak agindutakoa izango da, datuen helburuaren arabera. Datuak ez dira erabiliko erabaki automatizatuak lantzeko.

Arratzua-Ubarrundia Udala / Ayuntamiento de Arratzua-Ubarrundia - Urbea Kalea, 12 01520 – Durana (Araba)